

三經同卷

尹五

金剛頂瑜伽念珠經 於十方廣
頌中略出

佛說大方廣曼珠室利經

大樂金剛不空真實三麼耶般若波羅蜜

多理趣經

金剛頂瑜伽念珠經 於十方廣
頌中略出

乙

朱秀若刊

大興善寺三藏沙門大廣智不空奉詔譯

尔時毗盧遮那世尊告金剛手言善哉善哉
為諸修真言行菩薩者說諸儀軌則哀愍未
來諸有情等說念珠功德勝利由聞如是妙
意趣故速證悉地時金剛薩埵菩薩白佛言
唯然世尊我今為說之尔時金剛薩埵菩薩

而說偈言

珠表菩薩之勝果 於中間滿為斷漏

繩線貫串表觀音 母珠以表無量壽

慎莫驀過越法罪 皆由念珠積功德

碑渠念珠二倍福 木槌念珠兩倍福

以鐵為珠三倍福 熟銅作珠四倍福

水精真珠及諸寶 此等念珠百倍福

千倍功德帝釋子 金剛子珠俱胝福

蓮子念珠千俱胝 菩提子珠無數福

佛部念誦菩提子 金剛部法金剛子

寶部念誦以諸寶 蓮華部珠用蓮子

羯磨部中為念珠 衆珠間雜應貫串

念珠分別有四種 上品最勝及中下

一千八十以為上 一百八珠為最勝

五十四珠以為中 二十七珠為下類

二手持珠當心上 靜慮離念心專注

本尊瑜伽心一境 皆得成就理事法

設安頂髻或掛身 或安頸上及安臂

所說言論成念誦 以此念誦淨三業

由安頂髻淨無間 由帶頸上淨四重

手持臂上除衆罪 能令行人速清淨

若修真言陀羅尼 念諸如來菩薩名

當獲無量勝功德 所求勝願皆成就

加持念珠貫串之法一如蘇悉地經說其瑜

伽經但說其功能理趣不說相應知

金剛頂瑜伽念珠經

佛說大方廣曼殊室利經

觀自在多羅菩薩儀軌經

三藏沙門大廣智不空奉 詔譯 尹五 二

尔時世尊復徧觀察淨居天宮告觀自在菩薩摩訶薩言善哉善哉善男子汝能愍念多衆生故任陀羅尼形而爲衆生演說安立勸進隨喜解其理趣爲修行者開示法要及諸護摩善巧方便能獲無上正等菩提及獲二乘人天之果以清淨身能爲衆生作諸佛事

示現佛身安立寂靜無任涅槃若有衆生應以摩醯首羅身得度者即現摩醯首羅身爲彼衆生演陀羅尼秘密之法乃至應以帝釋之身迦樓羅身緊那羅身摩呼羅伽悉地明仙日月星宿童男童女種種之身乃至異類二足四足多足無足有情無情三界之身而

得度者即皆現之而爲演說以是義故名觀自在尔時世尊復讚觀自在菩薩摩訶薩言善哉善哉善男子汝能如是善巧方便利益有情現種種身開示演說甚爲希有是真清淨菩提薩埵汝於來世阿僧祇世界微塵數劫於平等光明普照世界當得作佛號曰平

等光明普照如來應供正徧知明行足善逝世間解無上士調御丈夫天人師佛世尊令彼衆生住於無畏無諸熱惱無有變易究竟寂滅然後方般大般涅槃尔時世尊授觀自在菩薩摩訶薩記淨居諸天及會無量菩薩摩訶薩衆以佛神力承普光明徧照之光普

尹五

三

照十方無量世界而皆大明其中衆生遇斯光者快獲善利離諸苦惱悉發無上菩提之心一切大衆思念佛身各於本座寂然而住雨衆天華清涼香風普散大會尔時大衆於虛空中各見無量觀自在菩薩摩訶薩十方刹土靡不周徧時諸大衆同稱是言南無佛